
SANTA GIUSTA

Angele Dei⁵⁹

Angelu de su Segnori,
chi seis su custodiu miu po ordini de sa piedosa provvidenzia de su Deu miu,
illuminai s' intellettu miu,
regulai is affettus mius, governai is sentimentus mius,
po chi Deu no offenda su Segnori Deus miu. Aimmen Gesus

Attu de caridadi⁶⁰

Deus miu, os'amu prus de totus is cosas,
os'amu po is benis chi de Bosu happ'arricciu,
os'amu po is benis chi ancora aspettu de arricci:
ma principalmenti os'amu po essiri Bosu chini seis,
unu Deus dignu de infinitu amori,
e po amori bostu amu ancora su prossimu miu comenti a emi e totu.

Attu de contrizioni⁶¹

Misericordia Signori, mi pentu cun totu su coru de is peccaus mius.
M'indi pentu po is benis ch'appu perdiu e po is mali ch'happu meresciu pecchendi: ma
m'indi pentu principalmenti poita chi happu offendiu unu Deus tanti bonu e tant'ama-
bili comenti seis Bosu.
Bolemu essiri mortu innantis de os hai offendiu e propongu firmamenti, cun sa grazia
bosta de mai prus peccai, poita chi os'amu prus de totus is cosas.

Attu de fidi⁶²

Poita chi Deus, beridadi infallibili, aici dd'hat nau a sa Santa Cresia,
e po mesu de sa Santa Cresia ddu narat a nosaterus:
creu firmamenti ch'inc'est Deus su quali premiat a is bonus e castigat a is malus.

Creu chi custu Deus est unu solu in tres Personas realmenti distintas, Babbu, Fillu e Spiritu Santu.

Creu chi su Fillu de Deus s'est fattu omini in is purissimas intragnas de Maria Virgini po opera de su Spiritu Santu, comentu omini est mortu in sa Gruxi po is peccaus nostrus e sa terza di est resuscitau.

Creu totus is ateras beridadis de sa fidi nostra santissima, po su propriu motivu chi Deus ddas hat nadas a sa Santa Cresia e po mesu de sa Santa Cresia ddas narat a nosaterus.

Attu de speranza⁶³

Deus miu, poita chi seis onnipotenti, misericordiosissimu e fidelissimu speru chi m'heis adonai sa vida eterna chi m'heis promittiu po is meritus de Gesù Cristu, fendu deu operas de bonu cristianu, comentu propongu de fai cun is santus auxilius bostus, is calis speru de sa bundadi bosta infinita.

Ave Maria⁶⁴

Deus ti salvit Maria,
 plena de grazia,
 su Segnori est cun tegus.
 Beneditta ses tui intr'e totus is feminas,
 e benedittu est su fruttu de is intragnas tuas Jesus.
 Santa Maria mamma de Deus,
 prega po nosaterus peccadoris,
 immò e in s'ora de sa morti nosta.
 Aici siat

Babbu Nostu⁶⁵

Babbu nostu chi ses in Celus,
 siat santificau su nomini tuu.
 Bengat a nosu su regnu tuu,
 siat fatta sa voluntadi tua,
 comentu in su celu aici in sa terra.

Su pani nostu de dogna di,
donanosiddu oi,
e perdonanosì is peccàus nostus,
comenti nosaterus ddus perdonaus a i depidòris nostus.
Non si lessis arruiri in sa tentazioni
ma liberanosì de mali.
Aici siat

Coggius de is Sposus⁶⁶

Soberaru creadori
sa bosci nostra ascutai
Aiustus isposus donai
sa grazia bosta Signori

Candu Eva aiat formau
de una costa de Adamu
po esseri fecundu ramu
de s'omini tantu amau
e si seis dimostrau
de su matrimoniu autori

Adamu in riconsenzia
de su donu chi d'ei fattu
esclama custu è ritrattu
de sa propria mia escenzia
o donu tottu eccelenzia
de s'amau Creadori

Su Redentori Divinu
in Cana de Gallilea
no s'at donau un'idea
chi fu sacru su festinu
cunvertendi s'acqua in binu
po fai a su Sposu onori
de fillus inghiriaus
finzas a s'ultima beccesa
de saludi e de puresa
tottus sianta adornaus
e de pustis transportaus

in sa gloria e su splendori
 gosu de benedizioni
 gosu de ognia momentu
 e s'amori chi hat tentu
 fíllus bellus in armonia
 immoi ge faidi unioni
 de s'affetu cun amori

Credu⁶⁷

Credu in d'unu solu Deu Babbu totu poderosu,
 Creadori de su Celu e de sa Terra.
 E in Gesù Cristu Fillu suu unicu Segnori nostru.
 Su quali est istetiu cuncebiu po opera de su Spiritu Santu;
 est nasciu de Maria Virgini.
 Hat patiu basciu su poderi de Ponziu Pilatu;
 est istetiu crucificau, mortu e sepultau.
 Est abbastiau a is Inferru, sa terza dí est resuscitau de intr'es is mortus.
 Est arziau a is Celus aundi est seziu a sa manu deretta de Deus Babbu totu poderosu.
 De innè hat a benni a giudicai is bius e is mortus.
 Creu in su Spiritu Santu,
 Sa Santa Cresia Cattolica,
 sa Comunioni de is Santus,
 Su perdonu de is peccaus,
 Sa resurrezioni de sa carri,
 Sa vida eterna.
 Aici siat

Deus Ti salvet Reina⁶⁸

Deus Ti salvet, Reina,
 ch'in grassia ses cuncetta
 ab eterno ses eletta
 e preservada.

De donos adornada
 dae su primu istante

de grassias abbondante
ses funtana.

Sa cale semper manna,
favores e dulzuras:
tottus sas creaturas
t'invocamos.

Mamma Ti cunfessamos
gíustos e peccadores:
perdonu a sos errores
nos alcanza.

Ses mare de bonanza
e portu de salute:
cun sa Tua virtude
nos defendas.

A sas boghes attendas
de custos disterrados
semper necessitados
Ti lamamos.

A Tie suspiramos
fizzos d'Eva affligidos:
siamos favoressidos
in sa vida.

Apustis chi cumprida
appemus s'urtim'ora
pro nostra protettora
bos tenemus.

Apustis bos gosemus
unios cun Fizu nostru
Gesus Signore nostru
omnipotente.

Lu bidaus presente
 senza cortina e vélu
 amandeTi in su Chelu
 e gasi siat!

Duos isposos⁶⁹

Duos isposos a s'iscurigada
 chilcan in Betlehem alloggiu invanu
 srarreu ind'un'istalla
 ilgadarada de su pianu
 istracos accorados,
 ogios a che l'alzados
 narran pro more Deu
 e in iss'an recreu
 nascer deviat in domo reale
 ca de sos mundos tottu e'soberanu
 subra sa paza invece e'su nadale
 deus umanu:
 sa paza est oro elettu
 pro unu coru nettu;
 naran pro more Deu
 e in iss'an recreu

Ecco che nadu de viva lumera
 che sole giaru allumat sa pinnetta
 e de anghelos bolat un'ischera
 in giru eletta,
 e dogni patimentu
 si mudat in cuntentu;
 naran: o Deu, o Deu
 ses su nostru recreu

Li àttin donos dai sos cuiles
 sos pastores, sos res li dan tesoros,
 nois mancari indignos e umiles
 demus sos coros
 cun Zuseppe e Maria
 cantende in allegria
 nemus: o Deu, o Deu
 ses su nostru recreu.

Goccius⁷⁰

*Celeste infante, adornada
De santidade famosa,
de Gesù Virgine Isposa
Giusta, Martire sagrada!
Giusta, Martire sagrada,
De Gesù Virgine Isposa!*

1. In Sardigna ses naschida
In su planu de Arborea:
Dae famiglia non plebea
Rezistis samben e vida;
Però non fis istruida
De sa Rughe preziosa.
Giusta, Martire...

2. Sa patria Aeden ti desit,
Sos benes, sa nobilesa
de finissima bellesa
Sa persone ti brillesit:
E su Chelu ti trattessit
Che fizza privilegiada.
De Gesù...

3. Iusta benzestis giamada
Ca iusta viver devias
E fidele a su Messias
Chi t'haiat destinada
Pro chi Li esseres istada
Diletta mistica Isposa.
Giusta, Martire...

4. Da' sos doigh'annos lassestis
Sa profana Idolatria
Ca su Fizzu de Maria
Veru Deus reconoschestis,
E una vida ti elegestis
Sa pius umile e penosa.
Giusta, Martire...

5. Si su Piscamu Othotena
Cuntentu ti battizesit
E tando, de rabbia piena
Mama tua ti flagellesit,
Ecclesia santa cantesit
Pro sa prenda conquistada.
De Gesùs...

6. Appenas chi cristiana
Esseres bessesit fama,
Mama tua non pius che mama
Ti trattait, ma che tirana
Da chi 'idesit esser vana
Ogni lusinga ingannosa.
Giusta, Martire...

7. Non balet chi sapiente
Nde confundas sas rajones,
E umile e franca l'isprones
A mudare coro e mente:
In s'errore est pius ardente,
E in s'idea mala ostinada.
De Gesùs...

8. De Iusta s'onestidade
Tentat cun magicas artes.
Né timet Issa istendartes
De infernale podestade.
Né trassa o crudelidade
De Cleodonia malvada.
De Gesùs...

9. Pustis chi a tales turmentos
Mama tua t'assuggettesit,
De nou ti preguntesit
De sos tuos pensamentos:
«Solu Cristos sunu intentos»
Respondestis animosa.
Giusta, Martire...

10. Cun furore de leone
A tie ancora s'avventait:

Sos ossos ti fracassait
Cun su punzu e cun bastone,
E senza cumpassione,
Ti lassait sambenosa
Giusta, Martire...

11. Già perdinde s'alientu
In cussa rabbia nefanda,
A fortes servas cumandat
Chi ti sigan su turmentu:
E issas puru t'han de assentu,
O Iusta, martirizzata!
De Gesùs...

12. De grossolanu sajone
Moribunda ti bestesint
E in su buiu t'inserresint
De sutterranea presone;
Ma celeste visione
T'hat luego consolada.
De Gesùs...

13. Sos Anghelos prontamente
Falesint pro ti curare,
Mentras cun issos laudare
Cherfistis s'Onnipotente,
Chi fatesit risplendente
Cussa presone oscurosa.
Giusta, Martire...

14. Cale ispantu! una mischina
Zega, custu lu bidesit:
E tando si cunvertesit
Cun Giustina ed Enedina;
Ca sa potenzia divina
Se lis fit manifestada.
De Gesùs...

15. Claudiu, amante viziosu,
Proesit cussa firmesa,
Offerindedi richesa
O martirizzu orrorosu;

Ma solu a celeste Isposu
 Confirmas d'esser Isposa
Giusta, Martire...

16. No invoches, no, tribunales
 O Claudiu troppu attrividu!
 Crees chi Deus hapat olvidu
 De sos debiles mortales?
 No los bides sos segnales
 De s'ira sua istraccada?
De Gesùs...

17. Est s'aèra in abolotu;
 Su mare est abalotadu:
 Già sas undas sunu in motu
 Subra cussu populadu
 Ecco, totu est subissadu
 Sutta s'abba limacciosa!
Giusta, Martire...

18. Seppellidu hat sa marina
 Tempios, palattos, e gente:
 Sos fideles solamente
 Sun salvus in sa collina
 Adorende sa divina
 Manu tantu portentosa.
Giusta, Martire...

19. Bei ses tue, Iusta, e sas duas
 Sorres in Cristu pius caras.
 Tue a s'iscola las imparas
 De cuddas virtudes tuas;
 Las consizzas, las azzuas,
 L'is ses mama in dogni cosa.
Giusta, Martire...

20. Bellu est viver gasie
 In fraternu e santu affettu:
 Ma s'Isposu tou diletu
 Già ti giamat: "Beni a mie,
 Columba bianca che nie,
 De samben imporporada!"
De Gesùs...

- 21.** “Si pro Te in s’esiliu ancora
Pius non devo, o Deus, patire,
Sposu meu, de Ti godere
Ecco già non bido s’ora!”
A sa celeste dimora
Gai cantende ses bolada.
De Gesùs...
- 22.** Pianghinde t’han interrada
Pro dare a su coro isfogu;
Ma in s’istante cussu logu
De dolores cunsagradu
T’han pro tempiu dedicadu,
E ara sacra fit sa losa.
Giusta, Martire...
- 23.** Incontradu no has sa morte
De sas penas tra s’orrore:
Ma vantare palma e onore
De martiriu has puru in sorte,
Ca tra penas fisti forte
In sa fide cunfessada.
De Gesùs...
- 24.** Da s’istrage saracena
In Casteddu han preservadu
Su corpus tou, fentomadu
In Sardigna e in terra anzena
Cale salutare vena
Inesausta e portentosa.
Giusta, Martire...
- 25.** Chie ammentat pius sa gloria
De Aeden fatta palude?
Ma de Giusta sa virtude
Est immortale in s’istoria
Cale nomen de vittoria
Contr’a peste e a zente armada.
De Gesùs...
- 26.** Da’ custa zente chi, orfàna
De sos fastos de unu die,
In su nomen hat a Tie,

“Santa Iusta”, cittadina,
 Sos castigos allontana
 Cittadina gloriosa.
Giusta, Martire...

27. Sias bandera de virtude,
 De amore e fidelidade
 A ogni sessu e a ogni edade
 E pius sa gioventude:
 Sias caparra de salute
 In cudd’ora dubidosa.
Giusta, Martire...

V) Ora pro nobis, Beata Iusta.

R) Ut digni efficiamur promissionibus Christi.

Goccius alla V. M. Sant’ Apollonia⁷¹

Columna firma e segura
 De s’ afflittu peccadori
 Pregade a s’ altu Signori
 Apollonia Virgine pura

Assusenna trapiantada
 In su celeste giardinu
 De s’ ortulanu divinu
 Cun bivas abbas rigada
 Sa menzus rosa incarnada
 Fiore de rara ermosura
 Pregade...

Sole ermosu risplendente
 De isfera Alessandrina
 Lue pro grazia divina
 Lapestis su prim’ oriente
 Mostrande subitamente
 Resplendores de s’ altura
 Pregade...

Dae minore applicada
 A sos attos de virtude

Teninde cun plenitude
Dogni grazia assegurada
In sa fide solidada
Cun perfezione segura
Pregade...

Custos hat dispostu Deciu
A sos idolos imperante
Apollonia però costante
Si li ponet cun dispreziu
Faghinde galanu apprezzu
Pro de sos donos de s'altura
Pregade...

Deciu furiosu airadu
Fattu Nerone segundu
Unu no intesu in su mundu
Martiriu hat ordinau
Pollonia senza coidadu
Abbrazzat sa pena dura
Pregade...

Pro esser più reservadu
De sa pureza su fiore
A manos de su rigore
Sas dentes nde l'ant bogadu
A Cristo crucificadu
Predicat senza paura
Pregade...

Bidinde bos su malvadu
Patire in tantu gosu
Cale Nabucco orrorosu
Un incendiù hat preparadu
Pro chi in corpus sagradu
Si consumat s'ermosura
Pregade...

Bidinde su fogu accesu
Allegra iocunda uffana
Cale femmina soberana
Si che bolesit a mesu

E mandat umile a Gesu
 S'anima illibada e pura
 Pregade...

Pro tantos martirios tales
 Chi costante azzis passadu
 Pro sos chi azzis logradu
 Diademas celestiales
 Amparades sos mortales
 De sa morte in s'amargura
 Pregade...

Columna firma e segura
 De s'afflittu peccadori
 Pregade a s'altu Signori
 Apollonia Virgine pura

Goccius de N. S. de su Rimediù⁷²

Tesorera Celestiale
 Divina Dispensadora
 Alcanzade nos Signora
 Rimediù pro d'ogni male

Pro Patrona Titolare
 De su Rimediù bos lamant
 Ue tottus Bos aclamant
 Protetora singulare
 Cherinde nos amparare
 In custa vida mortale
 Alcanzade...

Cherinde restaurare
 Custa santa devozione
 Cun occulta relazione
 Agis cherfidu mostrare
 Cudd'affettu singulare
 Ed amore maternale
 Alcanzade...

Connoschinde sa clemenzia
De Bois Virgen sagrada
Benit sa zente affannada
Cun votos e reverenzia
Dande pro d'ogni dolenzia
Consolu medicinale
Alcanzade...

Consolu de s'affligidos
Rifugio de peccadores
Rimediù pro sos dolores
Dimandant tottus unidos
Zegos, zoppos e tullidos
Fertos de gutta corale
Alcanzade...

Sos chi de coro suplicant
Sende cosa cunbeniente
Alcanzant subitamente
Sas grazias chi necessitant
Po sa cale s'acreditant
Cun su titulu speciale
Alcanzade...

Ses Giuditta chi has prostradu
A Oloferne mortale
Chi cun istragu fatali
Has destruidu su peccadu
Lassende incadenadu
A Luciferru infernale
Alcanzade...

Turre davica forte
Rosa mistica sagrada
Oliva fruttificada
Cipressu de s'altu monte
De sos navigantes
Ses ghia universale
Alcanzade...

Nave mistica divina
Chi de su chelu has portadu
Su pane sacramentadu

Verdadera meighina
 E de s' anima meschina
 Rimediù medicinale
 Alcanzade...

Ses de su mundu allegria
 Ses de su chelu belleza
 De sos anghelos princesa
 De sos santos melodia
 Ses consolu e vera ghia
 Contra sa culpa mortale
 Alcanzade...

Giaghi in su regnu divinu
 Bos tenimos abogada
 Pro s' anima tribulada
 Supplicade de continu
 Mustrate nos su caminu
 De sa Patria celestiale
 Alcanzade...

In cudda ultima ora
 De s' agonia mortale
 Alcanzade nos Signora
 Rimediù pro dogni male

V) Ora pro nobis Sancta Dei Genitrix
R) Ut digni.....

Gocius del Sacro Cuore di Gesù⁷³

In tronu de amori postu
 cumparit tottu brillante
 inflamma su coru nostu
 coru de Gesù amante

A su mundu ti declaras
 amorosu e risentiu
 po causa de tanti olviu
 chi in is omnes reparas

sas finesas tantu raras
chi dispenzas abundante
Inflamma...

Cun tres insignas de amore
rughe, ispinas e lanzada
amustras franca s'intrada
a su tristu peccadori
cuncedendiddi dolore
verdadèru e penetranti
Inflamma...

In custu coro infogadu
s'incendent su coro fridu
s'emendat dogni desquidu
s'acquistat su malogradu
tottu benit rettocadu
de custu fine diamante.
Inflamma...

Sas animas fervorosas
de custu coru divinu
aspirant de continu
a operas prus virtuosas
po essere veras Isposas
cun puru affettu costante
Inflamma...

Su Babbu eternu promitit
po custu coru amorosu
cuncèdet meda gustosu
cant'a nois necessitit
mentras, a Issu si supplichit
si lograt tottu a s'istanti
Inflamma...

Custu coro appassionau
send' in sa rughe ispirande
a su Babbu fit pregande
po chi ddiat crucifficau
gasi non hat imparau
su perdonu a s'avversante
Inflamma...

A tal' eccessu de amore
 su coro tùu t'hat portau
 chi ti ses sacramentau
 po su giustu e peccadore
 o amatissimu Signore
 chi t'hat obligau a tante?
 Inflamma...

Chie hat essere tant'ingratu
 chi no istimet custu coro
 est prezisu chi siat moro
 po no bolere essere gratu
 o si su chi hat fattu
 chi ancora no siat bastate
 Inflamma...

O arcivu de richesa
 mare de dognia cuntentu
 de s'inferru ses turmentu
 de sos angelos bellesu
 cuncedenosi sa puresa
 e sa grazia cunfirmante
 Inflamma...

Po cuddu coro preziosu
 de mamma tua virginale
 libera nosi de male
 e de s'inferru orgogliosu
 e po Issa vittoriosu
 bessat dogn'agonizzante
 Inflamma...

Gocius della Vergine del Buon Cammino⁷⁴

Giaghi in sa celeste altura
 Segis tesoru divinu
 Mustrate Virgine pura
 Su bostru santu camminu.

Dade Virgine sagrada
Su camminu e vera ghia
Giaghi segis Avvocada
De s' afflitta cristiania
In s' eterna monarchia
Bos adorant de continu
 Mustrade...

Sende bois coronada
De s' immensa Trinitade
Segis signora giamada
In d' ogni necessitade
A sa umana zeghedade
Siade ghia continu
 Mustrade...

Sa Tres personas divinas
Bos hant tantu sublimada
Chi subra de sa reinas
Firm' imperiu bos han dadu
Pro chi bos han coronadu
De consensu unu e trinu.
 Mustrade...

Bos han fattu unica stella
Cun grazias canta tenides
Cantu luminosa e bella
Ch' eguale no connoschides
E gasi nos defendides
De cudd' infernale sinu
 Mustrade...

Tenides tant' eccellenzia
Donu e grazia singolare
Chi cudda Divina Essenzia
Resolvit de s' incarnade
Si chersesit inserrare
In cuddu pettus divinu
 Mustrade...

Segis mamma ancora Isposa
 Fiza sua giustamente
 Ordinesit custa cosa
 Deus eternu ch'es potente
 E bos mirat tanta gente
 Cale isprigu cristallinu
 Mustrate...

Tottus sos discaminados
 Siant in terra o in su mare
 Sende in bois confidados
 Non podent perigulare
 Sempre bos det invocare
 Ogni afflitu peregrinu
 Mustrate...

Cuddos battor elementos
 Bos prestant obbedienza
 E sos bostros penzamentos
 Osservant cun diligenza
 Contra a bois non hat potenzia
 Su dragone serpentinu
 Mustrate...

Sos devotos e devotas
 Pedint de Bois aggiutoriu
 E benit prestu iscioltas
 Sas chi sunti in Purgatoriu
 Segis in su Concistoriu
 Cale rosa in su giardinu
 Mustrate...

Signora dade a su mannu
 Giaghi podides intantu
 Apprigade su cristianu
 Cun custu celeste mantu
 Ne olvidedas su piantu
 De su populu meschinu.
 Mustrate...

Gosos de Nostra Signora de su Rosariu⁷⁵

Serenissima aurora
De sa santa melodia
Prega pro noso Maria
De su Rosariu Signora

Aurora rutilante
Gemma fine orientale
Cristalinu diamante
Carbuncu celestiale
Rosa intata virginale
De affetos consoladora

Aurora luminosa
De sos chelos ornamentu
Ses in totu misteriosa
Maria vasu de argentu
De tesoros fundamentu
De grazias dispensadora

De su supremu consizzu
De sa divina natura
Risplendente che candidu lizu
Subra d'ogni creatura
Sende in celeste altura
De ogni donu possessora

Tue ses s'arca triunfale
Inghiriada de clemenzia
Su Criadori celestiale
Ti donesi sa potenzia
E su Fizzu sa sapienza
S'ispiritu amore ancora

Sa celeste gerarchia
Bellos cantos intonesit
Candu Gabriele intresit
Saludande Ave Maria.
Tue lughe consolu e ghia
De s'anima peccadora

Il Rosario cantato⁷⁶

Domine labia mea aperies
 Et os meum nunziavit laudem tuam
 Deus, in adiutorium meum intende
 Domine, ad adjuvandum me festina

Babbu nostu, chi sesi in xelus
 Santificau siat su nomini tuu
 Bengad' a nosu su regnu tuu
 Siat fatta sa voluntadi tua
 Comenti in su xelu aici in sa terra
 Su pãi nostu de ogni dî donaisiddoi
 E pedroãisì is peccaus nostus
 Comenti nosatrus pedroãusu
 A i' deppidori' nostusu
 No si lessist' arrui in sa tentaziõi
 Ma liberasi de ognia mali.
 Am' in Gesus

Deus ti salvi Maria, prena de grazia,
 Su Signori es' cun tegus
 Beneditta ses tui de tottu i' femmias
 E benedittu e' su frutt' 'e is intrannias tuas, Gesus
 Santa Maria, mamma de Deus
 Pregai po nosaterus peccadoris
 Immõi e in s' ora de sa morti nosta.
 Am' in Gesus
 Gloria Patri et Filio et Spiritui Sancto
 Sicut erat in principio nunc et semper
 Et in saecula saeculorum. Amen
 Laudau sempri siat su nomini de Gesusu e de Maria!
 Laudeus a prusu a prusu su nomini de Maria e de Gesusu!
 (Prima di entrare in chiesa)
 Sia sempri landau su rey nostu Gesus sacramentau!

Is coggius de Nadale⁷⁷

Celesti Tesoru d'eterna allegria
 Dormi fill'e coru riposa a ninnia

Angelus cantai su filiu 'e Maria
Dormi fill' e coru riposa a ninnia.

Riposa Signori dormi fill' amau
Su Verbu incarnau fattu Redentori
Po su peccadori patti s' agonia
Dormi fill' e coru riposa a ninnia.

Giuseppi diciosu ti podi lamai
Podendi mirai su Rei poderosu
Gosa de su gosu chi gosa a Maria
Dormi fill' e coru riposa a ninnia.

Ind' unu portali nasciu è Gesusu
Misterius dusu non c' esti uguali
Tra dus animali e Giuseppi e Maria
Dormi fill' e coru riposa a ninnia.

Sendi de sa gloria Rei soberanu
Su corpus umanu tent' adi in memoria
Po fai vittoria a sa culpa pentia
Dormi fill' e coru riposa ninnia.

De frutas e froris bestida è sa terra
Distruggi sa gherra comente unu bentu
Vasu de argentu plenu de allegria
Dormi fill' e coru riposa a ninnia.

Is coggius de Pasca⁷⁸

Reina prone amantades
sa cara bianca che nie
su mantu nieddu portades
nara Signora pro chie
cagliadebos creaturas
lassade pianghere a mie
cagliadebos creaturas
lassade pianghere a mie!

A mie toccat su dolu
a mie toccat su piantu

a mie su disconsolu
giugo s'oscuru mantu
ca so affrigida tantu
chie t'a mortu e chie
cagliadebos creaturas
lassade pianghere a mie.

Carrigadu de cadenas
unu nde passadu inoghe
senza respiru e ne boghe
pro sos colpos chi l'an dadu
risponde populu ingratu
chie t'a mortu e chie
cagliadebos creaturas
lassade pianghere a mie.

Veronica mia amada
cussu no es fizzly meu
chi dada a totus recreu
con sa lughe de sa cara
sa bellesa tanti rara
chie t'a mortu e chie
cagliadebos creaturas
lassade pianghere a mie.

O giudaicu consizu
de sa vengantiva fama
crocifissade sa mamma
e perdonade su fizzly
sa cara bianca che lizu
chie t'a mortu e chie
cagliadebos creaturas
lassade pianghere a mie.

Giudeos pro amore 'e Deus
in costa fatale die
incravade guru a mie
accanta de fizzly meu
su corpus mira s'Ebreu
chie t'a mortu e chie
cagliadebos creaturas
lassade pianghere a mie.

Fizzu meu persighidu,
Fizzu meu flagelladu,
Fizzu meu isculpido,
Fizzu meu liagadu
Fizzu meu consumidu
Fizzu meu sepultadu
risponde populu ingratu
chie t'a mortu e chie
cagliadebos creaturas
lassade pianghere a mie.

Circondadu de businos
e de tanta zente mala
con d'una rughe a pala
lu portanta is aguzzinos
andende pro is camminos
pro esser cruciffissadu
risponde populu ingratu
chie t'a mortu e chie
cagliadebos creaturas
lassade pianghere a mie.

Giuseppe d'Arimatea
de sa rughe t'iscravesit
in brazos mios ti ponesit
coro de s'anima mia
Fizzu de mamma allegria
chie t'a mortu e chie
cagliadebos creaturas
lassade pianghere a mie.
Benide totus impari
animas devotas mias
benide pro nd'abasciare
de sa rughe su Messia
risponde populu ingratu
chie t'a mortu e chie
cagliadebos creaturas
lassade pianghere a mie.

Andende de porta in porta
e a medas dimandende
de cussa persona morta

nisciunu l'adi arregorta
risponde populu ingratu
chie t'a mortu e chie
cagliadebos creaturas
lassade pianghere a mie.

Cale manu o caru Fizzu
t'a coronadu de ispinas
is santas triccías divinas
delicadu pius che lizu
risponde populu ingratu
chie t'a mortu e chie
cagliadebos creaturas
lassade pianghere a mie.

Sende mortu cun rigore
Fizzu de s'anima mia
non mi giamadés Maria
si no mamma de dolore
perdidu appu su fiore
preziosu chi tenia
cagliadebos creaturas
lassade pianghere a mie.

O triste e fatale die
oras penosas e duras
cagliadebos creaturas
lassade pianghere a mie
cagliadebos creaturas
lassade pianghere a mie!

Lodi di Santa Severa⁷⁹

Si Roma vantat onori
Cenni santus in s'altare
Sera è sola singulare
Sposa de s'altu Signore.

Si su nomini Severa
Cenit de nativadi

De Severa irealidade
Crait origine vertadera
Chi de impura e vana chimera
Fiat vera confessori
Sera è sola...

Filla de babbu paganu
Po ispirazioni divina
Rinunziat a sa dottrina
De su cultu falsu e vanu
E su Deus soberanu
Prestu abbrazat po Signori
Sera è sola...

Conoscit su veru beni
De sa prus pitica edadi
Su flore de virginidade
A Gesus castu manteni
E sa vida e su chi teni
Dispreziat po prus amori
Sera è sola...

Su paganu furibundu
Intendit custa notizia
Chi Severa sa malizia
Dispreziau hat de su mundu
E su flori prus giocundu
Cunservat de gratu onori
Sera è sola...

Biendu tantu costanti
Pippia de pagus annus
Chi disprezziat is ingannus
De s'iniquu governanti
Cumandat chi a s'istante
Sunfrat morti de rigori
Sera è sola...

Su paganu prus crudeli
De urzu tigre famida
Cumandat chi dividida
Siat sa conca sua fieli

Cucusada de ribelli
 Cun esemplu de terrori
 Sera è sola...

Miraculus de tantu in tantu
 Ci declarant portentosa
 Sendu de Gesus isposa
 Ses nostra gloria e vantù
 Disterra sa pena e plantu
 De su tristu peccadori
 Sera è sola...

Novenario dell'inclita Vergine Martire⁸⁰

SANTA GIUSTA - 1927

Dalla lettura della presente Novena e Lodi s'acquista una precisa e chiara notizia della vita e martirio di S. Giusta, di illustre famiglia pagana, convertita e battezzata a dodici anni dal Vescovo Ottazio o Othotene; perseguitata per questo motivo e messa alla tortura dalla stessa madre Cleodonia. Guarita prodigiosamente dagli angeli restituì la vista ad una delle sue due ancelle Giustina ed Enedina, convertendole tutte e due alla fede cristiana per la quale poco dopo subirono anch'esse il martirio.

Sacro Novenario della Vergine e Martire Santa Giusta

Orazioni preparatoria

Po dogna dì

Prostraus umilmenti ananti de sa soberana Magestadi Bosta, o Eternu Deus, deus os'adoru, comente primu Principiu; Osi disigiu comente summu Beni miu e ultimu felicissimu Fini; Osi rendu infinitas grazias, comente a supremu Benefattori miu; Osi invocu comenti Onnipotenti aggiudu miu... Creu in Bosu, o Deus miu; deh! ravvivai sa Fidi mia. Speru in Bosu: fortificai sa speranza mia. Amu a Bosu: inflammai de s'amori Bostu s'anima mia. Mi pentu de totu coru po s'hai offendiù, poita Bosu seis infinitamenti amabili; e propongu firmamenti de mi emendai, de fuiri is occasionis de peccai, poita os'amu prus de tot'is cosas. Osi pregu de mi cuncediri sa grazia de onorai dignamenti sa memoria de is santus bostus, e in modu speciali, de sa grandu Protetтора mia e Abogada graziosissima Santa Giusta, chi veneru cun cultu particolari in Gusta Santa Novena - Aici siat.

Prima dì

Cumbattimentus e tentationis de S. Giusta

Cunsidereus a calis cumbattimentus e tentationis fiat stetia assuggettada sa vergini S. Giusta, po dd'indusiri ad abandonai sa santa religioni de Gesù Cristu, e cantu siat stetia sa costanzia e firmesa sua in su resistiri a is isforzus e tentationis de s'Inferru! Lusingas, promissas e ammalezzus, totu est stetiu postu in opera de sa propriu inumana mamma sua Cleodonia, po ddi fai cambiai propositu; ma issa, opponendi a is lusingas sa temperanza, a is promissas sa giustizia, a is ammalezzus sa fortaleza, hiat rendiu vanus is isforzus infernalis in cudda edadi appuntu, in sa cali est prus difficili sa vittoria.

O gloriosa Abogada nosta e martiri invincibili de Gesù Cristu, poita mai bosu seis stetia tanti costanti contra is lusingas e seduzionis, mentras nosaterus a sa prima spinta arrueus? Est poita cun totu premura heis sempiri praticau is virtudis cristianas. Po cussu seis bessida sempiri vittoriosa de is perigulus. Nosaterus, appena arribaus a s'usu de sa rexoni, incautamente perdeus su preziosu donu de s'innocenzia e biveus trascurendi cudda perfezioni chi de totus esigit s'evangeliu. E po cussu seus tanti debilis.

Intantu, o piedosissima Santa Giusta, giai chi, appenas perdia s'innocenzia, non podeus in atteru poniri sa speranza nosta, si non in su plantu de is culpas nostas; Bosu otteneinosi spiritu de penitenzia, po chi pozzaus cun Gusta cunsighiri sa gloria eterna - 3 Pater Ave Gloria.

Orazioni a Deus

Eternu e unicu Deus, premiadori de is bonus e castigadori de is malus, su cali articulu teneus comente fundamentu de sa santa fidi nosta; po su preziosissimu sanguini de Fillu bostu Santissimu, derramau po nosi manifestai custa fondamentali beridadi, e po is excellentis meritus de sa gloriosissima vîrgini e martiri S. Giusta, sa cali po non negai custu principali articulu de sa Cattolica Fidi, hiat patiu crudeli martiriu de sa propria mamma sua, osi supplicaus a nosi cuncediri claru conoscimentu de custa grandu beridadi tantu necessaria, e ancora sa grazia particolari chi osi dimandaus, po s'intercessioni de custa fedelissima sposa bosta - Aici Siat.

Si dimandit sa grazia.

Orazioni a Gesù Cristu

Po dogna dì

O Gesùs, Angioni Immaculau, corona e ornamentu de is Virginis, misticu sposu de is animas elettas, cuncebui de cudda Mamma chi sola est Virgini senza mancia; Bosu chi in custa terra si cumplaxeis de abitai in mesu a is lillus de sa pureza, e chi, tra is giardinus de su Paradisu, a is Virginis in modu particolari seis gloria e premiu, mentras, formendiosi distintu corteggiu, a Bosu cantat specialis alabanzias, arriccei benignamente is supplicas de custus poberus peccadoris, ma sempiri fillus bostus, disigiosus de s'amai e serbiri cun pureza de intenzioni e de operas. Siais Bosu in nosaterus, e fei chi nosaterus siaus sempiri in Bosu; in modu chi is sentidus nostus non intendant is

lusingas de is vanidadis terrenas, e totu su esseri nostu, anima e corpus, bivat liberu de dogna corruzioni interiori e exteriori, ponendi dogna impegnu in su cunservai, cun sa grazia bosta e su patrociniu de S. Giusta, cudda puresa de coru, in premiu de sa cali in su Santu evangeliu est assegurada sa visioni eterna de Deus "*Beati mundo corde, quoniam ipsi Deum videbunt*" - E aici siat.

Innu

Iesu, corona virginum - Po dogna di

V) Ora pro nobis, Beata Iusta.

R) Ut digni efficiamur promissionibus Christi.

Oremus

Deus, qui inter coetera potentiae Tuae miracula etiam in sexu fragili victoriam martyrii contulisti, concede propitius, ut qui Beatae Iustae Virginis et Martyris tuae natalitia (*vel commemorationem*) colimus, per eius ad' Te exempla gradiamur. P.C.D.N.

Si possono cantare le Lodi

Segunda di

Fortalesa cristiana e costanzia de S. Giusta

Cunsidereus cun cantu fortalesa sa Virgini S. Giusta hiat suffriu turmentus crudelissimus de is proprias serbidoras po ordini de sa perfida mamma sua, donendi in tali modu testimoniianza a sa fidi de Gesù Cristu. Pitica di edadi, debili po su sessu, dilicada in sa persona, avvesa a is comodidadis de sa famiglia sua benestanti, fiat stetia inserrada in d'una oscura presoni, attripada e flagellada, maltrattada in dogna manera sa prus barbara. In mesu però a tantis turmentus no hiat cedi, né dubitau in sa fidi, ma hiat bofiu prus prestu perdi su corpus innantis de rinunziari a Gesù Cristu e a sa dottrina sua. Ita però hemus a fai nosaterus, si fessimus postus a custa dura prova; inveceis ammittius a is eternas delizias in cumpagnia de sa gloriosa Patrona nosta, e de is aterus benavventuraus; e de nos alcanzai intanti sa grazia particolari chi Osi dimandaus in custa novena - Aici siat.

Si dimandit sa grazia.

Terza di

Resistenza de S. Giusta a Claudiu paganu

Cunsidereus comenti sa V. e M. Abogada nosta hiat resistiu a is perfidas lusingas e a is grandus promissas de Claudiu paganu, a is tentazionis de su dimoni, a sa dura persecuzioni fatta a s'innocenti vida sua. A is lusingas e promissas rispundit Issa ripitendi

attus de vera fidi in Gesù Cristu, e a sa persecuzioni ripundit cun sa firma speranza chi nisciunu podit prus de s'onnipotentis Deus suu. - Oh! nosaterus miserabilis, chi, in circa de benis e plascris mundanus, amaus zurpamenti is creaturas; e chi ignorantis o incertus in sa fidi, creeus prus a prestu a is praticas superstiziosas, o si fidaus de is artis ingannadoras de is serbidoris e ministrus de su dimoniù, perdendi aici non solu sa grazia santificanti, ma ancora cudda consolanti e figliali cunfianza chi solamenti depeus teniri in Deus onnipotentis e in s'amorosa Provvidenzia sua!

Chini amat zurpamenti is creaturas, non podit mai sinceramenti amai a Deus. Chini penzat de acquistai benis terrenus cun dannu de s'anima, bendit s'anima sua. Chini creit a is malas artis de is serbidoris de su dimoniù, non hat a essiri riconotu de Gesu Cristu in s'ora de sa morti.

O gloriosa, S. Giusta, bosu chi conosceis sa fragilitadi nosta, alcanzainosi de Deus sa grazia de amai solamenti a Issu; de isperai sempiri solamenti in Issu, e de creiri firmamenti totu su chi Issu e sa S. Cresia sua nosi cumandat de creiri cun umili ubbidienza; po chi, imitendi is virtudis bostas costantementi in custa terra pozzaus cunsighiri sa gloria eterna in Celu.

3 Pater Ave Gloria.

Orazioni a Deus

Deus e Signori amabilissimu, chi is creaturas depint amai comenti fontana de dogna delizia e origini fondamentali de dogna belleza; po cuddu ardentissimu amori chi Gesù Fillu Bostu hat tentu po is mortalis, chi hat redimiu cun su pregiosissimu sanguini suu, e po s'intercessioni de sa gloriosa abogada nosta S. Giusta, sa cali, plena de custu ardenti fogu de amori, hiat postu is peis a s'amori terrenu e a dogna ateru beni mundanu, osi pregaus de manteneri sempiri inflammasu su coru nostu de puru amori divinu, e de nosi cuncediri ancora sa grazia particolari chi osi dimandaus ai custa novena - Aici siat. Si dimandit sa grazia.

Quarta di

Morti preziosa de S. Giusta

Cunsidereus comenti sa vida martirizzata de S. Giusta fiat stetia coronada de una morti preziosa e biada "*Pretiosa in conspectu Domini mors Sanctorum ejus*" mentras Issa est ancora pitica de annus, fiat giai manna in facci a Deus, poita plena de meritis e virtudis cristianas. Custu su premiu chi donau dd'hiat su divinu Gesù, po hai Issa passau is dis suas in s'innocenzia, e po s'essiri aici mantennia fideli a su Signori. E nosaterus, chi in totu sa vida nosta seus bivius a su mundu, chi pagu o nienti heus fattu po sa saludi de s'anima, cali morti nosi podeus aspettai? Chini bivit de peccadori non podit aspettai sa morti de su giustu, e, si puru in sa morti donat testimonianza de sa fidi de Gesù Cristu, si podit penzai chi ddu fazzat po su solu timori de su divinu Giudiziu; e po cussu ne'est de timiri chi ddi manchit sa vera contrizioni fundada a suba de su perfettu amori de Deus, e sola capaci po sei e totu de riconciliai cun Deus unu peccadori

chi non tengat s' agiudu de sa cunfessionni; e po cunseguenzia c'est perigulu di eterna cundennazioni.

O gloriosa S. Giusta, donai puru una mirada a nosaterus de cussu felici logu chi heis acquistau cun su sanguni e sa vida cunsagrada a Gesùs, e fei chi nosaterus puru siaus sempiri prontus a cumbattiri po Gesù Cristu contra su vizio, e cumbattendi e bincendi, fazzaus una vida santa, sa cali a pustis siat coronada de una bona e santa morti - 3 Ave Pater Gloria

Orazioni a Deus

Deus e Signori onnipotenti, chi, po manifestai su supremu poderi chi teneis, osi serbeis de dibilis strumentus po cunfundiri sa superbia de is terrenas podestadis; po is meritus de G. Cristu Redentori nostu, e po sa validissima intercessioni de sa virgini e martiri S. Giusta, sa cali, po no rinegai sa vidi in s'unicu veru Deus Criadori e Signori de su celu e de sa terra, hiat alcanzau de su Divinu Gesus chi si ddi trunchesit sa vida in su flori de sa gioventudi; osi pregaus chi nosi cunzedais su donu de sa celestiali fortaleza contra is inimigus spiritualis e, de prus, sa grazia particulari chi osi dimandaus in custa novena - Aici siat. Si dimandit sa grazia.

Quinta di

Onorada sepoltura de S. Giusta

Cunsidereus comentu sa morti de sa grande Eroina S. Giusta siat stetia gloriosa. Spirada Issa prus po sa violenza de s'amori suu a Deus che po effettu de is turmentus, e bòlada s'anima sua, cali candida e innamorada columba, a su sinu de su celestiali Sposu suu, su flagellau e martirizzau corpus suu fiat steti cun tanti cura e onori sepulta in su sutterraniu de sa propria domu sua, po opera de is primus cristianus chi Issa hiat cunvertiu a sa lei evangelica: e tali venerazioni custus cristianus hiant cumenzau a tributai a is sagradas reliquias e a sa memoria sua chi de cussa domu pagana, santificada de is virtudis e patimentus e de su martiriu, e illustrada de is continus prodigius chi Issa prontamenti hiat operau, si ndi fiat fatta vera Cresia e Santuariu de su Signori.

Immoi, si Deus hat bofiu glorificai a S. Giusta cuncedendiddi de podiri dispensai innumerabilis favoris, certu dd'hat fattu po aliementai e fortificai in su coru de is cristianus su spiritu de fidelidadi in su serviziu divinu, sa certesa de sa gloria eterna chi Issu donat, comentu dd'hat promittiu, a is chi si mantenint fortis in sa vidi e sa cunfianza in s'intercessioni de custa grandu Eroina a denanti de su Tronu de Deus.

Ringrazieus a su Signori chi cun talis finesas de sa miseriordia sua, si dignat fainosi avvertius de s'ingannu nostu candu si donaus a is cosas fragilis de custu mundu, e si dignat cumbidainosi, cun s'attrattiva de su premiu eternu, a sullevai su coru nostu de sa terra a is altissimus destinus ch'Issu e totu nos'hat preparau, e chi hant'essiri certamenti eterna possessioni nosta, si, a imitazioni de is santus, heus andai avatu de Gesù Cristu portendi, a su mancu cun rassegnazioni, sa gruxi de is traballus e tribulias de custa vida brevi e passiggera.

E Bosu, o inclita S. Giusta, inflammai s'anima nosta de una santa confianza in is promissas e in sa potenza de cuddu Deus chi, non cuntentu de nos hai creau po sei e totu e a immagini sua, nos hat ancora bofiu riscattai cun su preziosissimu sanguini de su divinu Fillu suu, su cali, limpiendinosi de sa culpa originali, e capaci de nosi purificai de dogna peccau, nos'hat restituiu su derettu a s'amicizia sua in custa vida e sa gloria eterna in s'atera, e sa fundada speranza de cunsighiri custus benis po is meritus appuntu de su sanguini de Gesù Cristu.

3 Pater Ave Gloria.

Orazioni a Deus

O Deus, Babbu de misericordia, chi scarescendi is ingritudinis cun in calis is ominis continuamenti os'affendint, scieis apprezzai grandementi s'olocaustu de is animas puras e osi dignais de abitai in issas comenti in aggradabili santuariu, fendiddas fortis difesas contra s'inferru; po is singularis i eçcellentis meritus de Maria SS. e po s'intercessioni de sa gloriosa e prodigiosa abogada nosta S. Giusta, sa cali, sullevendisi de mesu de su paganesimu, si fiat fatta digna abitazioni de su Spiritu Santu, osi pregaus chi siais, cun nosaterus Babbu de misericordia, de manera chi siaus dignus di essiri scrittus in su liburu de is elettus; e in su propriu tempus nosi ottengais is grazias particularis chi osi domandaus in custa novena - Aici siat.

Si dimandit sa grazia.

Sesta dì

Cultu de is primus cristianus po su corpus de S. Giusta

Cunsidereus cun cali affettu is bonus cristianus de is primus tempus hiant cunservau su sagrau corpus de S. Giusta e gelosamenti dd'hiant custodiu, esponendiddu ancora a sa pubblica venerazioni, ma timendi chi is idolatras saracenus ddu profanessint, mentras hiant destrui sa primu Cresia, dd'hiant cun summa devozioni e venerazioni, trasportau a logu seguru in sa Cittadi de Casteddu e depositau in s'antighissima Cresia de Santa Restituta. E giustamenti hiant in tali modu operau custus fervorosus cristianus, poita fiant favoressius continuamenti de sa gloriosa protetтора insoru. Unu tesoru tanti preziosu, cali est sa grazia de Deus, ddu teneus ancora nosaterus cun nos'e totu, e dd'hemus a depiri curai cun dogna affettu e cunservai cun grandu diligenza; ma oh! Cantu seus disgraziaus! Sa caridadi est tanti debili chi appenas resuscitaus a sa grazia, torraus arruiri in ateras culpas, i essendi tanti ingratus, sempiri prus nosi feus indignus de is favoris de su Celu.

Oh! Virginia Santa Giusta, Bosu chi heis amau tanti a Gesù Signori nostu, pregaiddu chi inflammit su coru nostu cun s'amori suu, de modu chi liberaus una borta de sa culpa, non dda torreus mai prus a committiri, e pozzaus manteneri cun totu impegnu sa grazia de Deus, e in tali manera non si fazzaus sempiri prus dignus de is favoris suos.

3 Pater Ave Gloria.

Orazioni a Deus

O Deus Soberanu, difensori premurosus de s'innocenzia, chi, in mesu a innumerabilis perigulus preservais is animas giustas, chi cun sa vida innocenti diventant s'immagini de sa divina santidadi Bosta; po is grandus meritus e doloris chi Gesu Cristu hiat patiu po nosaterus, e po s'intercessioni de s'Abogada nosta S. Giusta, sa cali ancora in sa prima gioventudi risplendiat cali meravigliosu ritrattu de perfezioni, osi pregaus da fai in modu chi nosaterus puru bivaus liberus continuamenti de sa culpa mortali; praticendi dogna virtudi, e in su propriu tempus de nosi cunçediri sa grazia particolari chi domandaus in custa novena - Aici siat.

Si dimandit sa grazia.

Settima dì*Prodigijs de Santa Giusta*

Cunsidereus comenti su corpus e su sanguni de sa V. e M. S. Giusta si fiant signalaus cun medas miraculus e a tanti onori sunt steti elevaus, chi si creit fortunada cudda cittadi o parrocchia chi ndi tenit una pitica reliquia.

Cantu est beru, o Signori, chi chini perdit su corpus po Bosu, ddu salvat! Dd'esponit custa virgini e turmentus crudelissimus po amori Bostu e po cussu est immoi esaltau a unu summu onori! Circant is personas riccas e delicadas de su mundu de contentai su corpus insoru, e andant apustis a ddu perdiri in d'una sepoltura de totus scarescia. Cantu seus zurpus e senza sensu cristianu candu nosi donaus a is plaxeris de su mundu e fueus interamenti sa mortificazioni cristiana! O gloriosa S. Giusta, chi piedosissima ascurtais is boscis de chini Os'invocat; deh! pregai su Signori, chi nosi dongat forza de odiai santamenti custu corpus chi nosi portat a is disordinis, e nosi fazzat pigai unu grandu incuru po salvai s'anima, chi est sa parti prus nobili e prus bella de nosaterus, e chi depit biviri eternamenti. 3 Pater Ave Gloria.

Orazioni a Deus

Signori, corona incomparabili de is Virginis, is cali plantais friskas rosas e cun effiçacis ausilius coltivais in s'amenu giardinu de sa Cresia bosta; po is eccelsus meritus de Maria SS. Reina de is Virginis, e po s'intercessioni de sa grandu Virgini S. Giusta, sa cali in mesu a su gentili libertinaggiu est bivia cun angelica pureza; osi pregaus de cunservai in nosu puru cun sa grazia bosta sa castidadi segundu su propriu stadu, e in su propriu tempus de nosi cunçediri sa grazia particolari chi osi dimandaus in custa novena - Aici siat.

Si dimandit sa grazia.

Ottava dì*Santa Giusta splendidamenti ricumpenzada de su Signori*

Cunsidereus comenti su Signori hiat cun premura ricumpenzau su sacrificiu de sa Virgini S. Giusta, chi non solu de is benis terrenus, ma ancora de sa propia vida hiat

fattu a Deus generosa offerta. Su propriu Signori hiat boffiu poniri in manus de Issa unu tesoru de grazias, chi issa immoi a larga manu dispenzat a is divotus suos. Oh! cantu seus zurpus nosaterus, chi, posponeus a is falsus benis de su mundu is verus i eternus benis de su Celu! Invanu duncas nos heus a lamentai si apustis heus a perdi is unus e is aterus benis, bivendi in mesu a is vanidadis ingannadoras de sa terra, e Bosu, o grandu abogada nosta S. Giusta, chi heis scipiu aici beni disprezzai is isperanzias e is benis chi os'offeriat su mundu; ispirainosi e alimentai in nosaterus su propositu de disprezzai is cosas terrenas, e fei ancora chi s'animu nostu si persuadat chi est Deus solamenti su veru e unicu beni, e chi po cussu non c'est cosa in custa terra chi pozzat fai felici o in calincunu modu contentai su coru de s'omini, unicamenti creau po Deus. 3 Pater Ave Gloria.

Orazioni a Deus

Signori, Rei de is Martiris, a is calis comunicais animu e coraggiu invincibili po essiri vittoriosus in is turmentus; po is meritis de G. Cristu, Signori nostu, e po s'intercessioni de sa V. e M. S. Giusta, sa cali cun straordinariu valori, in edadi de appenas cattordix'annus, hat triunfau de sa furiosa persecuzioni de is idolatras e de sa propria mamma sua: osi pregaus de nosi cuncediri forza po binciri is tentationis chi nosi cumbattint continuamenti, e sa grazia particolari chi osi dimandaus in custa novena - Aici siat. Si dimandit sa grazia.

Nona e ultima di

Fama straordinaria de Santa Giusta

Cunsidereus comenti su nomini de sa V. S. Giusta est arziau ancora in custa terra a grandissima gloria. In dogna parti de su Regnu Sardu, in Roma, in Bologna, a Genova e in tantis aterus logus sunt fabbricadas cresias e sontuosus altaris in onori suu: is fidelis si prostrant ananti de is immaginis suas e plenus de una dolci cunfianza, nd'invocant su gloriosu nomini, e circant de dd'onorai in tantis maneras! Eccu su premiu chi Deus donat a chini si umilat po Issu. S. Giusta hiat rinunziau generosamente a is vanidadis e onoris de su mundu, e, prus a prestu de mancai a sa fidelidadi ch'hiat giurau a Gesu Cristu Redentori, hiat suffriu atrocissimu martiri: immoi su sposu Divinu dda plenit de grandus onoris, e fait chi tottu s'ingenughint ananti de is immaginis e altaris suos.

Oh! assumancu intendessimus ancora nosaterus chi s'umilidadi est su veru camminu de sa gloria! Invecis nosaterus nos'abbandonaus a sa superbia: e po cussu sa gloria nosta hat a isparessiri comenti su fumu, e in puntu de morti no heus a incontrai che confusioni e disperazioni.

O gloriosa S. Giusta, pregai po nosaterus a su Signori po chi nosi donghit sa virtudi de sa santa umilidadi, fundamentu de dogna beni, e fei chi po custu, diffidendi de nosu e totu, circheus in Deus sa gloria nosta e in Issu pongaus totu sa cunfianza, po chi in tali modu e perseverendi in su divinu serviziu finzas a sa morti, siaus apustis impari cun Bosu in s'eterna beatitudini.

3 Pater Ave Gloria.

Orazioni a Deus

Deus e Signori de is Imperius, a is calis cun manu liberali comunicais abundantis richesas de ordini temporalis e de ordini spirituali; po is meritis de G. Cristu Signori Nostu, e po s'intercessioni de sa gloriosa protetora nosta S. Giusta, tesoru inestimabili de sa Sardigna nosta; e specialmenti de custa bidda chi si onorat di essiri intitulada a cussa grandu Santa, osi pregaus de nos otteniri abbondanzia de dogna beni neçessariu a sa vida de s'anima e de su corpus, e, in su propriu tempus sa grazia particolari chi osi dimandaus e os'heus dimandau finzas a hoi in custa santa novena - Aici siat.

Si dimandit sa grazia.

O Babbu soberanu⁸¹

O Babbu Soberanu
kin kelu in terra istade
et semper dominade
in amore.

O Supremu Signore
su nomen Bostu Santu
siada esaltadu tantu
in kelu e in terra.
Semus semper in gherra
kenza su regnu bostu
k'es puru regnu nostru
de santidade.

Sa Bostra voluntade
fa ke l'amos in mente
in sa terra komente
es fatta in Kelu.

Como cun tantu zelu
su pane cadadie
domandamus a Tie
ki es babbu bonu.

Nois damus perdonu
a sos nemigos nostros

bois sos peccados
nostros perdonade.

Teninde piedade
de sos fizos tentados
nos semus insidiados
nos sentimos.

De su male kerimos
d'esser liberados
in su kelu jamados
a sa gloria. Amen.

Offressimentu⁸²

Misterius Gaudiosus - O Virgini Santissima Mama de Deus e Signora nostra, nosaterus os'offereus custa prima parti de Su Santu Rosariu bostu pos'ineffabili cuntentesa chi hestis provau a s'annunziu chi su Verbu Divinu depiat abbasciai de is celus in su purissimu sinu bostu, e chi cunservendi su candidu lillu de sa puridadi, festis sublimada a sa grandu dignidadi de Mama de Deus.

Misterius Dolorosus - O Virgini addolorada, rifugiu de is abbandonaus e cunfortu de is affliggius, nosaterus os'offereus custa segunda parti de su Santu Rosariu bostu po cuddus affannus e doloris chi hestis provau in sa vida mortali, passioni e morti de su Divinu Fillu bostu Gesùs.

Nosaterus, animaus de sincera contrizioni po is peccaus nostrus, partecipaus a is dolori bostus, e po s'amabilissimu Coru bostu tanti affliggiu, si supplicaus a nos'impetra.

Misterius Gloriosus - O Virgini gloriosa, Reina de is Celus e Signora nostra, nosaterus os'offereus custa terza parti de Su Santu Rosariu bostu pos'ineffabili allegria ch'esti provau candu, a sa deretta de su Benedittu Fillu bostru, in su tronu de sa Magestadi sua e grandesa seis stetia costituia Reina de is Celus e abogada de is peccadoris.

Nosatarus nos'allirgaus, o Signora, de su gosu e cuntentesa bosta, e os'supplicaus a nos'impetra, [...] de su Divinu Fillu bostu s'esaltazione de sa santa Fidi nostra cattolica, sa distruzioni de is eresias, sa paxi e cuncordia tra is Prinzipis cristianus, sa vittoria de is infielis e sa conversioni insoru a su sinu de sa Cresia Cattolica e a verdadera penitenzia; su discanzu de is benedittas Animas santas de su Purgatoriu; sa saludi Spirituali e corporali de is maladius, e specialmenti e nosaterus chi seus cungregaus in sa devozioni de su Santu Rosariu bostu; multiplicai, o Signora, is devotus bostus e fei chi proveus in is corus nostrus is maravilgius effectus de custa Santa devozioni:

favoresseinosì, o Reina de is celus, succerreinosì, o Soberana, in totus is necessidadis nostras e perigulus, e otteneinosì su perdonu de is peccaus e sa perseveranzia in custa sagrada devozioni, po chi fielis in su santu serviziu bostu, pozzaus finalmenti cunsighiri sa Gloria eterna. Aimen Gesus.

Orazioni po sa Penitenzia e po s'Eucarestia⁸³

Prima de sa cunfessionì

Amabilissimus Salvatori miu, donaimi sa grazia de l'accostai a custu Sacramentu de Penitenzia po sa saludi de s'anima mia e po gloria bosta. Virgini Santissima, Mamma de Gesus e Mamma mia, otteneimì de su benedittu Fillu bostu sa grazia de conosciri de detestai e cunfessai beni totus is peccaus mius.

Babbu nostu, Ave Maria.

Apustis de sa Cunfessionì

Cantu *Seis istettiu bonu cun mei*, o Signori! Inveci de mi castigai po tantis peccaus chi happu committiu, mi ddus eis perdonaus cun infinita misericordia in custa santa cunfessionì. Ancoras mi ndi pentu cun totu su coru e promittu, cun s'aggiudu de sa grazia bosta, de non s'offendiri mai prus e de cumpensai cun simili amori is offesas *chi os happu fattu* in tottu sa vida mia. Virgini Santissima, *Angelus* e Santus de su Celu, osi ringraziu de s'assistenza bosta e bosaterus puru ringraziai su Signori de sa misericordia sua e otteneimì de perseverai e avanzai in su beni. *In is tentationis non si scaresciat de invocai s'aggiudu divinu narendi: Gesus miu*, aggiudaimi e donaimi grazia de non s'offendiri mai prus.

Prima de sa Comunioni

Signori Miu Gesù Cristu deo creu firmamenti chi bosu seis realmenti presenti in su Santissimu Sacramentu cun su Corpus bostu, Sanguini, Anima e Divinidadadi.

Signori deo cunfiu, chi donendisi *Bosu* totu a mei in custu divinu Sacramentu meis a usai Misericordia e meisi a cuncediri totu is grazias chi sunt necessarias po s'eterna salvazioni mia.

Signori, *Bosu* seis infinitamenti amabili, seis Babbu miu, su Redentori miu, su Deus miu, po custu os'amu cun totu su coru miu prus de totu is cosas e po s'amori bostu amu a su prossimu miu comentì is meis e totu, e perdonu de coru a chini m'hat offendiù. Signori, deo detestu totu is peccaus mius, chi mi faint indignu de arriciriosi in su coru miu; propongu cun sa grazia bosta de mai prus peccai de nd'evitai is occasionis, de faindi sa penitenzia.

Signori, deo os'adoru in custu Sacramentu, e osi riconosciu po Creadori, Redentori e Meri miu Soberanu, e po summu e unicu beni miu.

Signori, deu non seu dignu ch'intreis in domu mia; ma narai solamenti una paraula e s'anima mia hat a essiri salva.

Signori, deu disigiu ardentementi, chi bengais in s'anima mia chi deu non mi separi mai prus de Bosu, e abbarrit sempri cun mei sa divina grazia Bosta.

A pustis de sa Santa Comunioni

Gesus Miu, Deus e Signori de s'anima mia, deu osi dongu grazias de su favori chi m'heis fattu benendi a abitai in sa pobera anima mia: cunfessu sa debilesa mia, e po cussu pregu sa Mamma Bosta amatissima Maria, is Santus abogaus mius, s'Angelu miu Custodiu, tottus is Benaventuraus e tot'infinis sa Corti Celestiali, poita ch'is adorazionis e alabanzas insora supplant a sa flacchesa e debilesa mia, e a su disigiu chi deu tengu de osi fai unu ringraziamentu dignu de Bosu, e proporzionau a sa grazia arricia. Gesus miu amabilissimu, già chi osi seis dignau de intrai in su coru miu, deu umiliau osi adorau, e osi riconosciu po Signori miu, po Redentori de s'anima mia, po Deus miu. Adoru sa Santissima Umanidadi Bosta, i hem'a bolliri adoraisi comentis osi adorant is Bonaventuraus in su Celu. Gesus, Signori miu begnissimu, os'offergiu de parti mia cantu tengu e cantu seu, is potenzias de s'anima mia, is sentidus mius, is affettus mius, is inclinazionis mius, sa libertadi mia, in d'una paraula, in is manus Bostas o Deus miu, raccomandau su Corpus e s'anima mia.

Gesus, Onnipotenti Signori Miu, essendu Bosu in su coru miu, deu non timu is assaltus de s'inimigu infernali; cumenzu una vida noa de grazia, mentras biviu deu, ma non deu bivendu Bosu in mei.

Gesus miu, fonti inesauribili de dogna donu perfettu, avvivai in mei sa Fidi, sa speranza, sa caridadi; donaimi una clara luxi po conosciri is vanidadis de su mundu e su meritu infinitu chi teneis po essiri amau prus de tot'is cosas, alabau glorificau po sempiri, e fielmenti serbiu. Santificai Deus miu, s'anima mia, immoi chi osi tengu inserrau in su pettus miu. Salvaimi, o Redentori amorosissimu. *Dimandit dogniunu is grazias ancoras temporalis: depustis concludat.*

Gesù miu, gia chi seis a intru de su pettus miu, non mi abbandoneis, poita si Bosu m'abbandonais deu os'hap'a traixiri, chi si osi parteis corporalmenti, abbarrai spiritualmenti con sa grazia e cun s'amori, e intrettantu deu hap'a biviri sempiri cun ansiedadi aspettendi sa di fortunada, in sa quali os'heis ai torrai a dignai de beniri a mei.

Po sa notti

In nomini de su Babbu, de su Fillu e de su Spiritu Santu. Aici siat.

Os'adoru, Deus mius, e o s'amu cun totu su coru.

Osì ringraziu de m'hai creau, fattu cristianu e cunservau in custa di, cunservaimi, osi pregu in custa notti senza peccau, e liberaimi de dogna mali.

Sa grazia bosta, siat sempiri cun mei e cun totus is carus mius.

Babbu Nostru, Ave Maria, Gloria Patri, Credu, Attus de fidi, Speranza, Caridadi, Esaminu de coscienza, Attu de contrizioni e poi is mortus.

Oremus⁸⁴

Famulis tuis quaesumus
 Domine coelestis gratiae munus
 impertire ut quibus Beatae Verginis
 partus extitis exordium
 Nativitatis eius votiva
 solemnitas pacis tribuat incrementum.
 Per Christum Dominum nostrum. Amen

Preghiera⁸⁵

Antoneddu Antoneddu
 Tocca su rapiccheddu
 Toccaddu a forti a forti
 Chi s'intendat in corti
 In corti de su rosari
 Mamma mia piberi
 Mamma mia incarnada
 A undi ses andata?
 A fai varegina
 varegina santa
 Appu intendiu unu prantu
 Unu prantu de dolori
 Beru è che mortu nostru signori?
 Cussu ge è beru
 È mortu e interrau
 Una littaredda
 chi m'ant'inviu
 Ua littera scritta de su scelu
 tottu is penas chi at pattiu Deus
 tottu cuddas penas chi ant pattiu is Santus
 su Babbu e Fillu e su Spiritu Santu. Amen

Preghiera della sera⁸⁶

Deu mi croccu in su miu lettu
 Cun dusu angelus drommius
 E un'angelu cantendi
 Gesù Cristu è predichendi

Cun sa luna e su soli
 E a Santu Srabadori
 E a Santu Franziscu
 Sempri sia laudau
 Su nominu de Gesù Cristu.

Su miu lettu è de quattru brancasa
 E dui croccanta quattru santusu
 Dus a peis e dus a conca
 E cun sa Beata Vergine Maria
 Che a bosu affidu su coru e s'anima mia.

Deu mi croccu in sa sepoltura
 De mindi pesai non seu segura
 Tres cosas ollu domandai
 Cunfessionì, cumenioni e ollu santu
 In nomini de su Babbu de su Fillu e de su Spiridu Santu.

Preghiere del mattino⁸⁷

Est obresciu e fattu luxi
 D'eu m'invocu a Santa Ruxi
 A su Deus chi m'ha fattu
 In nomini e su Babbu de su Fillu e su Spiritu Santu.

Preghiere recitate quando si arrivava in chiesa⁸⁸

Acqua santa mi cunfirmu
 E saludu a Deus in primu
 E a nostra Sannora
 No apu ascuttau missa ancora
 Seu benia a ndi scurtai
 Non seu segura chi ci appa torrai.
 Si andas a cresia
 Ingenungadì coru
 In logu chi ti bia
 Me in su bangh'e oru
 In logu chi ti bia
 Ingenungadì coru.

Santa Severa Vergine Martire⁸⁹

*Is sos chelos esaltada
segis suprema aurora
pro sos devotos implora
Severa Virgini sacrada.*

1. Naschistis inter paganos
bell' assusena de amores
pro confunder sos errores
de sos falsos deos paganos
cun sos santos cortesanos
faghides festa aggiuntada.
Pro sos devotos...
2. Umiltade peregrina
mostrestis sos primos annos
destruinde sos ingannos
de sa lege preverina
predicande sa dottrina
de Cristo illuminada.
Pro sos devotos...
3. A su Supremu Segnore
cun perfetta candidesa
dedichetis sa puresa
cun ispiritu e fervore
pro bos dare su primore
cun sa palma disigiada
Pro sos devotos...
4. Cun ammirabile passienza
semper hagus guardadu
pro chi hagus mortificadu
su corpus cun s'astinenzia
in continua penitenzia
bivinde mortificada.
Pro sos devotos...
5. Sa canaglia invidiosa
pro sos bostros documentos
procuresint cun tormentos

dare bos morte penosa
però bois disigiosa
a sa sorte rassignada
Pro sos devotos...

6. Cun perfetta caridade
de Divinu fogu ardida
accabestis custa vida
pro s'Eterna Deidade
cherinde bos premiare
in sa patria disigiada.
Pro sos devotos...

7. A sos infirmos curestis
cun cussos bostros imploros
sa ricca sedia alcanzestis
de sos divinos tesoros
de sos angelicos coros
Hoe segis venerada.
Pro sos devotos...

8. Non paresit cussu amore
tantu fidele e costante
chi cuddu Divinu Amante
de sos coros amadore
bos infundet su valore
pro cortesana illustrada.
Pro sos devotos...

O funtana distillada
abocada e prottetora
pro sos devotos implora
Severa Virgen Sagrada.

Segnali de sa santa gruxi⁹⁰

In nomini de su Babbu e de su Fillu e de su Spiritu Santu. Aici siat.

